



Parlamento Nacional

NOTÍCIAS EM DESTAQUE #6 ■ 15 de setembro- 15 de outubro 2015

Parlamento Nacional Hahú 4ª Sessão Legislativa 3ª Legislatura

Parlamento Nacional hahú ona 4ª Sessão Legislativa ba 3ª Legislatura iha loron 15 fulan setembro tinan 2015.

Presidente Parlamento Nacional Vicente da Silva Gu-terres hatete katak sessão legislativa foun ne'e la loke hussi Presidente da República hanessan legislatura sira seluk tanba Presidente da República rassik hussu atu bele partisipa de'it iha última sessão legislativa legislatura ida-ne'e nian.

Nia dehan Presidente da República hala'o visita oficial ida ne'ebé atu bá China ho Japão, maibé ikusliu visita ba Japão la consegue halo.


«Ne'e mak Presidente da República disponível ba última sessão legislativa iha 2016, tanba ne'e mak la iha sessão solene», Presidente Parlamento Nacional declara.

Ho situação ne'e Presidente Parlamento Nacional continua kedas ho agenda, nune'e tama kedas ba intervenções diversas, ne'ebé cada deputado hato'o ninia preocupação no informação ne'ebé recolha hussi base.

Liutiha período antes ordem do dia, Presidente Parlamento Nacional continua kedas ba período ordem do dia nian hodi anuncia no baixa ba Comissão de Assuntos Constitucionais, Justiça, Administração Pública, Poder Local e Anticorrupção Proposta de Lei n.º 20/III (3ª) – Lei do Recenseamento Eleitoral, Proposta de Lei n.º 27/III (3ª) – Lei de Combate ao Tráfico de Droga no Proposta de Lei n.º 30/III (3ª) – Procedimento de Concessão de Indulto ne'ebé simu hussi Vice-Presidente Comissão A. Ba Comissão de Negócios Estrangeiros, Defesa e Segurança Nacionais baixa Proposta de Resolução n.º 17/III (3ª) – kona-ba Acordo entre a República Democrática de Timor Leste ho

Notícias Em Destaque

Santa Sé, ne'ebé simu hussi Secretária Comissão B.





Parlamento Nacional

NOTÍCIAS EM DESTAQUE #6 ■ 15 de setembro - 15 de outubro 2015

PDHJ apresenta Relatório ba Parlamento Nacional

Provedoria dos Direitos Humanos e Justiça (PDHJ), segunda-feira 21 fulan setembro tinan 2015, halo apresentação ba relatório tinan 2014 nian ba Parlamento Nacional, iha período da ordem do dia, depois de iha período antes ordem do dia Deputado sira discute assunto importante selusseluk.

Iha apresentação ne'e Provedor dos Direitos Humanos e Justiça, Sr. Silvério Pinto Baptista, acompanha hussi nia Adjunto na'in-rua no mós diretor sira.

Provedor dos Direitos Humanos e Justiça, Sr. Silvério Pinto Baptista, iha nia apresentação hatete, iha relatório ne'ebé PDHJ prepara ne'e cita liu ba atividade hirak ne'ebé PDHJ hala'ó durante tinan 2014. Provedor dehan katak, hussi atividade ne'ebé PDHJ halo, liuliu liga ba missão no visão PDHJ nian atu oinsá haree ba direitos humanos no boa governação.

«Ho base ba artigo 27º Constituição RDTL no mós dever legal PDHJ nian ne'ebé hatuur ona iha estatuto PDHJ artigo 46º Lei 7/2004, Provedoria iha obrigação atu hato'ó relatório tinan-tinan», Provedor declara.

Iha relatório ne'e mós cita caso sira ne'ebé PDHJ atende durante tinan 2014 inclui ho nia processo tomak ne'ebé to'ó horas ne'e balun consegue processa ona iha tribunal.

Iha tinan 2014, queixa ne'ebé Provedoria simu hamutuk atus rua neenulu-ressin-ualu (268), no iha tinan ne'e duni PDHJ conclui ona relatório final investigação ba caso violação direitos humanos no violação governação di'ak hamutuk atus ida tolunu-ressin-noon (136). Hussi caso 136 ne'e produz ona relatório badak 64, ba caso 34 sira-nia relatório acentua liu ba sugestão no caso 38 considerado relatório investigação ho recomendações.

Hussi apresentação ne'e, Deputado sira aprecia maka'as tanba PDHJ hatudu resultado serviço ne'ebé significativo iha tinan 2014.

Entretanto, Parlamento Nacional iha terça-feira 22 fulan setembro tinan 2015 continua hala'ó sessão plenária hodi discute assunto importante sira ne'ebé Deputado sira recolhe iha base.

Parlamento Nacional Debate ho Ministro das Obras Públicas, Transportes e Comunicações

Parlamento Nacional iha segunda-feira, loron 28 fulan setembro tinan 2015 hala'ó debate ho Ministro das Obras Públicas, Transportes e Comunicações hodi discute kona-ba assunto sira ne'ebé durante ne'e sai preocupação ba público, no Parlamento Nacional rassik.

Debate ne'e, hanessian baibain, Parlamento Nacional hala'ó baseia ba artigo 152.º Regimento Parlamento Nacional nian kona-ba debate ho Governo.

Iha debate ne'e Ministro das Obras Públicas, Transportes e Comunicações, Gastão de Sousa, acompanha hussi nia Vice-Ministro dos Transportes e Comunicações, Inácio Moreira, ho diretor sira.

Debate ne'ebé la'ó durante horas tolu ressin ne'e, Deputado sira questiona maka'as liu kona-ba Aeroporto Suai, no Transportes, maibé problema electricidade, bee moos, no estrada continua sai mós preocupação ba Deputado sira iha debate ne'e atu ministério relevante bele resolve ho di'ak.

Presidente Parlamento Nacional. Dr. Vicente da Silva Guterres, hatete katak preocupação balu ne'ebé Deputado sira foti técnico liu, parte ministério bele responde mós liuhossi carta atu bele explica detalhado liu.

Notícias em Destaque

Debate hanessan ne'e sei continua ba ministério sira seluk bainhira Parlamento Nacional precisa atu bolu hodi bele esclarece situação balu ne'ebé sai preocupação ba Deputado sira.



Eleição ba Vice-Presidente Comissão de Infra-estruturas, Transportes e Comunicações -Comissão E.

Comissão de Infra-estruturas, Transportes e Comunicações - Comissão E, hala'ó sorumutuk iha loron 29 de setembro de 2015, hodi halo eleição ba Vice-Presidente Comissão E, reunião ida-ne'e realiza iha sala reunião Comissão E ho presença Deputados Comissão E total ema na'in-8 mak hanessan:

1. Dep. Paulino Monteiro
2. Dep. Anselmo da Conceição
3. Dep. Albina Marçal Freitas
4. Dep. Manuel Castro Pereira
5. Dep. Francisco Andrade
6. Dep. Osório Florindo
7. Dep. Anastácia da Costa
8. Dep. Manuel Salsinha.

Sorumutuk ida-ne'e preside husi Secretário da Mesa, Sr. Deputado Paulino Monteiro Soares Babo.

Deputados Comissão E hala'ó votação por escrutínio secreto ba candidatura rua mak hanessan Dep. Anselmo da Conceição no Dep. Osório Florindo, husi resultado votação Dep. Anselmo hetan votos haat, Dep. Osório hetan votos tolu no voto ida mamuk husi Deputado na'in-ualu (8) presente. Ho nune'e resultado ikus maka Dep. Anselmo sai hanessan Vice-Presidente Comissão E hodi substitui fatin ne'ebé saudoso Dep. José da Silva Panão ocupa nu'udar Vice-Presidente Comissão E.



República Democrática de Timor-Leste

PARLAMENTO
NACIONAL

Notícias em Destaque

Comissão de Infra-Estruturas, Transportes e Comunicações - Comissão E, hala'ó fiscalização iha município Suai, hodi haree kona-ba Construção Aeroporto, iha 01 de outubro de 2015.



PN Hili Membros ba Comissão Homenagem

Parlamento Nacional iha loron 5 fulan outubro tinan 2015 hala'ó eleição hodi hili membro sira ba Comissão de Homenagem, Supervisão do Registo e Recursos.

Eleição ne'e hala'ó iha período da ordem do dia depois de período de antes ordem do dia ne'ebé sessão plenária hanessan baibain hodi Deputado sira apresenta no discute assunto sira ne'ebé importante.

Antes Deputado sira hili candidato sira, Vice-Secretária Mesa Parlamento Nacional Ângela Maria Corvelo A. Sarmiento lê uluk *curriculum vitae* no carta de aceitação hussi candidato sira.

Candidato ne'ebé Parlamento Nacional hili mak João de Jesus Varela no Ventura de Araújo «Labook». Candidato rua ne'e atu preenche ba município Ermera no Ainaro.

Candidato rua ne'e apresenta hussi bancada FRETILIN no CNRT. Sira eleito ho votos 51 ba João de Varela no votos 50 ba Ventura de Araújo «Labook».

PN Aprova Orçamento Privativo ba 2016

Parlamento Nacional aprova ona Plano Ação ho nia orçamento privativo ba tinan 2016 ho montante \$15.167.000 (quinze milhões cento e sessenta e sete mil). Aprovação final ne'e hala'ó iha loron 7 fulan outubro tinan 2015.

Antes hala'ó aprovação, Comissão de Finanças Públicas (Comissão C) lê uluk nia parecer kona-ba plano ação no orçamento privativo ne'e.

Discussão ba plano ação no orçamento privativo ne'e hala'ó durante loron rua (segunda no quarta-feira), hodi discute kle'an kona-ba rubrica ka item ne'ebé menciona iha orçamento ne'e rassik.

Durante discussão, Deputado sira questiona maka'as kona-ba execução orçamento tinan 2015 nian no plano hi-

Notícias em Destaque

rak ne'ebé prevê ba tinan 2016, liuliu iha capital menor no capital desenvolvimento, ne'ebé ba tinan 2016 Parlamento Nacional la prevê.

Maski iha discussão maka'as, ikus mai Deputado sira consegue aprova Plano Ação no Orçamento Privativo ne'e ho unanimidade, ho votos a favor 43, contra 0, abstenção 0.



Comissão F Fiscaliza Escola Filial Cabulimo no Daro-Lete

Comissão F, ne'ebé trata assunto Saúde, Educação e Cultura, Veteranos e Igualdade de Género iha Parlamento Nacional, hala'ó fiscalização ba escola básica filial número 1, 2 Cabulimo no escola básica central Daro-Lete iha município Liquiçá.

Fiscalização ne'ebé hala'ó iha loron 8 fulan outubro tinan 2015 ne'e chefia hussi Vice-Presidente Comissão, Sr. Deputado Eduardo de Deus Barreto (Dusae), ho Deputados Comissão D hanessian: Sr. Deputado António Ximenes, Sr.a Deputada Ilda Maria da Conceição, Sr.a Deputada Domingas Alves da Silva (Bilou-Mali).

Objetivo fiscalização ba fatin refere atu haree no rona diretamente condição no preocupação ne'ebé alu-

no no professor sira enfrenta durante processo aprendizagem.

Nune'e iha fiscalização ne'e Comissão F deteta problema balu, liuliu kona-ba merenda escolar, tanba foos hirak ne'ebé companhia halo distribuição ba escola refere balun aat, no orçamento hodi sossa modo dala ruma tarde. Além de ne'e escola refere mós enfrenta problema bee moos ne'ebé dificulta aluno no professor sira.

Hussi sorin seluk, Comissão F mós aproveita tempo ne'e hodi hala'ó fiscalização ba posto de saúde iha suco Daro-Lete hodi observa problema hirak ne'ebé posto saúde ne'e enfrenta. Iha fiscalização ne'e deteta preocupação balu hanessian funcionário limpeza ida ne'ebé ajuda fali doutor ida hodi atende paciente sira, tanba pessoal saúde iha posto saúde refere sei limitado. Nune'e iha oportunidade ne'e doutor ne'ebé agora daudaun hala'ó hela knaar iha posto saúde ne'e informa ba Comissão F hodi recomenda ba Ministério da Saúde atu aumenta número pessoal de saúde iha posto refere.



Notícias em Destaque

Funcionário PN Simu Certificado Curso Lian Português nian

Funcionário sira Parlamento Nacional simu certificado de reconhecimento iha loron 9 fulan outubro tinan 2015.

Certificado ne'e funcionário sira hetan baseia ba avaliação hussi professor sira ne'ebé durante ne'e hanorin, no liuliu haree ba participação no dedicação iha curso português, inclui curso intensivo ne'ebé hala'o durante fulan hirak nia laran.

Secretário-Geral Parlamento Nacional, Mateus Ximenes Belo, iha abertura ba cerimónia fahe certificado ne'e agradece ba professor sira ne'ebé durante ne'e hanorin funcionário sira iha Parlamento Nacional. Nia dehan maski iha dificuldade barak, maibé entre professor no funcionário sira continua esforço hodi aprende língua portuguesa.

« La hatene tanba saida mak funcionário balu la participa máximo, maibé ho nacionalismo, patriotismo tem que aprende língua portuguesa», Secretário-Geral Parlamento Nacional declara.

Tanba envolvimento Timor-Leste iha organização sira iha CPLP, precisa tebes língua portuguesa atu facilita serviço no comunicação ne'ebé di'ak.

Especialmente iha Parlamento Nacional, Secretário-Geral Parlamento Nacional hatete nia sei hussu ba Conselho de Administração atu oinsá bele define loron ne'ebé funcionário sira iha Parlamento tem que ko'alia lian português, no loron ne'ebé tem que ko'alia inglês ho tetun durante semana ida nia laran.

Secretário-Geral Parlamento Nacional sugere ba funcionário sira atu aproveita di'ak oportuni-

dade ne'e, tanba caráter timoroan sira-nian baibain mak ladún aproveita buat ne'ebé gratuito.

Participa iha cerimónia ne'e, além de Secretário-Geral Parlamento Nacional, professor José Carlos Adão, professora Manuela Isidro, no mós professor na'in-rua hussi UNTL, mak professor Ricardo Antunes no professora Susana Mendonça.



Notícias em Destaque

Sua Excelência Presidente Parlamento Nacional simu visita cortesia hussi Embaixador Palestinián, Sr. Izzat Abdulhadi, iha Gabinete Presidente, iha loraon sexta-feira, 09 de outubro de 2015



Parlamento Nacional hili membro Conselho Superior do Ministério Público (CSMP) no membro Conselho Superior da Defensoria Pública (CSDP).

Parlamento Nacional hili ona membro Conselho Superior do Ministério Público (CSMP), no membro Conselho Superior da Defensoria Pública (CSDP), iha loraon 12 fulan outubro tinan 2015.

Candidato ba membro Conselho Superior do Ministério Público ne'ebé Parlamento Nacional hili mak José Agosto Fernandes Teixeira, nu'udar membro efetivo, no Arlindo Dias Sanches, nu'udar membro suplente. Candidato eleito ba membro Conselho Superior da Defensoria Pública mak Fernando Lopes de Carvalho, nu'udar membro efetivo, no Manuel Sarmento, nu'udar membro suplente.

Antes tama ba processo eleição, Secretária da Mesa Parlamento Nacional nian, Deputada Fernanda Lay, lê uluk carta de aceitação no curriculum vitae hussi candidato sira. Eleição ba candidato hirak-ne'e halao iha período ordem do dia, entretanto iha período antes ordem do dia Parlamento Nacional, hanessian baibain, hala'o sessão plenária normal hodi discute kona-ba assunto importante sira.

Tuir agenda reunião plenária nian, loloos Parlamento Nacional mós hahú hili ona membro ba Conselho de Opinião da Rádio e Televisão de Timor-Leste, maibé la consegue tanba Deputado sira sei preocupa uitoan ho estatuto Rádio e Televisão de Timor-Leste ne'e rassik.


Iha sorin seluk, Parlamento Nacional mós hala'o substituição ba Deputado sira ne'ebé foin lailais mate no mós ba Deputado ida hussi Bancada CNRT ne'ebé sei hala'o hela tratamento de saúde. Nune'e substituto ne'ebé Bancada

Notícias em Destaque

CNRT apresenta, baseia ba lista ikus ne'ebé apresenta ba Comissão Nacional de Eleições iha 2012, mak hanessian: saudoso Deputado Mateus de Jesus substitui hussi Sr. Deputado Manuel Salsinha, saudoso Deputado José da Silva Panão «Folaran» substitui hussi Sr.a Deputada Maria Fátima Belo, no Sr. Deputado Pedro da Costa Mártires substitui temporariamente hussi Sr. Deputado Patrocino F. dos Reis.



Delegação da Comissão A, halao visita de estudo comparativos ba Nova Zelândia. Delegação halao encontro ho Presidente da Câmara de Wellington, Sra. Celia Wade-Brown, e uma Council's Acting Manager of External Relations, Sr. Kaine Thompsom.





Notícias em Destaque

Iha boletim tuir mai:

- Presidente do Parlamento Nacional, Sr. Vicente da Silva Guterres, no delegação parlamentar participa iha reunião União Inter-Parlamentar iha Genebra.
- Comissão sira hala'ó visita ba Municípios no mós ba estrangeiro.
- Atividades iha Sessão Plenária no mós Atividades iha Comissões Especializadas Permanentes

Contactos:

agus.santos@parlamento.tl

guilhermina.barbosa@parlamento.tl